

TUSI TAIALA

**MO LE PULEA MA LE VA'AIA LELEI O I'A
MA FIGOTA**

O LE AFIO'AGA O

LEPUIA'I MANONO-TAI

Setema 26, 1996

SAUNIA:

Pule mamalu a Alii ma Faipule ma tagatanuu o le Afioga o Salesatele ma le Lagolagosua a le Vaega o Faigafaiva o le Matagaluega o Faatoaga ma Faigafaiva.

FAASOLOGA

Itulau

**FA'ALUPEGA O
LEPUIA'I MANONO-TAI**

1. UPU TOMUA

O faigafaiva i Samoa e taua tele aua o se tasi lea o auala e maua ai le fofoga taumafa aemaise lava i afio'aga ma alalafaga i tua. I le tele o afio'aga latou te le o faatauaina le vaaia lelei o le tamaoiga ma le siosiomaga o le gataifale. O le faia ma le faaaogaina o ituaiga faigafaiva faa-ona-po-nei e iai mea manava, upega ma tili mataninii, ma vailaau oona e faamata faigofie ai ma tele i'a maua ae o loo faatamaia ai le siosiomaga o le gataifale ma ona tamaoiga. O le faatinoina foi o atinae i luga o le gataifale ua faaleagaina ai le tele o nofoaga ma le miliona o meaola o le gataifale.

O le polokalame o le faasaoina o le gataifale na amata mai e le Ofisa o Faigafaiva i le tausaga 1995. O le faamoemoe o le polokalame ina ia tapu'e mai le tamaoiga o le gataifale ma puipuia ai le siosiomaga. O taualumaga o le polokalame e aofia ai le soalaupuleina ma le fausiaina o se Tusi Taiala. O lenei Tusi Taiala o loo tamauina ai fuafuaga faataatitia a le Afio'aga ma le Ofisa o Faigafaiva. O nei faataatitia e unaia ai le pulea lelei ma fuafua tatau o le faaaogaina o le tamaoiga o le gataifale o Lepuia'i i Manono-tai.

2. AUTU

O le autu lenei sa faatalalanoaina ma malilie autasi i ai vaega taitasi o le afioaga;

- **Ina ia pulea ma puipuia le siosiomaga o le gataifale ma,**
- **Toe faatupulaia le tamaoiga o le gataifale mo tupulaga o le lumana'i**

3. FAAMATALAGA E UIGA I LE AFIOAGA

O le afio'aga o Lepuia'i-tai e i le motu o Manono-tai, ma o le nei motu e i le itu i matu i sisifo o le motu o Upolu. O lona faitau aofai e tusa lea ma le

O le afioaga o Salesatele i Falealili e i le itu i saute i sasa'e o le motu o Upolu. O lona faitauaofai e tusa lea ma le 450 tagata e aofia ai matai, tina ma tamaitai, aumaga, alo ma fanau laiti. E le aofia ai i latou ua faimalaga atu i atunuu i fafo e i ai Niusila, Ausetalia ma le Iunaite Setete o Amerika.

O Salesatele e i ai lona a'au e mai lava i le itu i sasae seia paia le itu i sisifo i le umi e pea ma le 300 mita. O le umi o le a'au e pea ma le 250 mita mai le matafaga. O le vaega pito loloto o le aloalo e tusa ma le 2.5 mita i taimi e sua ai le tai, ae 1 mita nisi o vaega o le gataifale pea oo ina pe le tai.

O lenei afioaga e mamalu tele ona pulega aua e puleaina e le Fono a Alii ma Faipule lava o le afioaga. O le aumaga e lava saunia i taimi uma aua le tautuaina o matai, o tina latou te avatua fautuaga lelei mo ni mataupu tau lotoifale o le afioaga.

4. ITUAIGA FAIGAFAlVA TAATELE

E tele ituaiga faigafaiva e mafai ona faatinoina i le aloalo o le afioaga. O nisi o nei ituaiga faigafaiva e i ai le faaaogaina o matatao poo tao fagota i lama poo mata tautā, uaua malau (toso), uaua atule, ma le faaaogaina o upega (e tele ina faatinoina e alii) mo le fofoga taumafa o aiga pe faatau fo'i. O tuiiga sea, fao tuitui ma vaga, aoina ma le eliina o figota i luga o le aau o le galuega patino lava lea a tina ma le fanau mo taumafa a le aiga.

O le faatinoina o faigafaiva-le-talafeagai e i ai fanai'a ma ava-niu-kini ua matua faasaina lava i lalo o le pulega mamalu a Alii ma Faipule. E tutusa lelei lava ma le faaaogaina o tane mauulu ma mea manava (scuba gears) i fagotaga ua matua faasaina lava ona toe faatinoina i gataifale o le afioaga.

O le tele o i'a sa maua i aso ua mavae ua faigata ona maua i aso nei. O i'a o le aloalo e i ai lo ma pau'ulu, poge ma alogo, ume ma filoa, faapea ma le palolo sa tele ma faigofie ona maua i le 30 tausaga talu ai. E oo foi i figota e i ai le sisi, faisua, vaga, tuitui faapea sea, loli, mamao ma fugafuga sa tele i aso ua mavae. I le taimi nei, o nei i'a ma figota ua pa'u maualalo le faitau aofai ma e tele ni itula e faaaluina mo fagotaga faato'a maua se meaai mo le aiga, pe'a faatusatusa i le 30 tausaga ua mavae.

5. TULAFONO FAA-LE-NUU E FESOOTAI MA LE SIOSIOMAGA O LE GATAIFALE O SALESATELE FALEALILI

O Salesatele e i ai ona tulafono i aso ua mavae e faasaina ai faigafaiva-le-talafeagai e pei o fanaia, ava-niu-kini, vaialau oona, lama moli-uila ma tane mauulu (scuba gears) ua matua faasaina ona toe vaai.

Ua faasaina foi tagata mai isi afioaga ona toe fagotaina gataifale o Salesatele. E ui lava ina ua i ai tulafono e pei ona taua, ae le o atoatoa lona faatinoina ma lona va'aia ona o le le aloaia e le 'au faifaiva mai isi afioaga. O le isi itu o le mamao lea i tai o nofoaga o loo faatinoina ai nei ituaiga o faigafaiva atoa ai ma auala o loo faaaogaina.

6. TAPENAGA O LENEI TUSI TAIALA

O lenei tapenaga sa saunia lava e le Fono a Alii ma Faipule ma tagatanuu o Salesatele faatasi ai ma ni fautuaga ma le lagolagosua a le Ofisa o Faigafaiva o le Matagaluega o Faatoaga ma Faigafaiva. O se ootoga lenei i le tapenaga o lenei Tusi Taiala ina ua maea ni fonotaga sa faia ua taua i lalo.

6.1 Feiloaiga Muamua ma le Afioaga.

I le amataga mai o le polokalame, sa faapea ona faato'ai mai se finagalo o le Pule Mamalu a Alii ma Faipule e taua mai i le Tofi Pulenuu i le Ofisa o Faigafaiva e faailoa ai lo latou fiafia e auai i le Polokalame mo le Puipuiga o Gataifale. O le Aso Gafua 03 Tesema 2007 sa faia ai se feiloaiga muamua (fono) a le Ofisa ma le Afioaga e faamalamalama ai le polokalame pe taliaina e le afioaga. O le fono fo'i lena sa auai ai le Faatonu Lagolago, Alii ma tamaitai Ofisa e taliaina aloaia ai se finagalo o le afioaga i le polokalame. O le maea o lenei feiloaiga muamua ma taliaina lelei ai e le afioaga le polokalame, ma filifili ai loa le Aso Gafua 10 Tesema 2007 mo faatalatalanoaga ma vaega e tolu o le afioaga e aofia ai Alii ma Faipule, Komiti a Tina ma Tamaitai faapea Tupua ma le Aumaga.

6.2 Faatalatalanoaga i Vaega e Tolu.

O le taua o lenei faatalatalanoaga ina ia vaevaeina le afioaga i vaega e iai matai, tina ma tamaitai faapea aumaga. O nei vaega e tolu sa faatalatalanoaina e sui o le Ofisa o Faigafaiva. O le autu tonu o nei faatalatalanoaga ina ia mafai e le afioaga ona faailoa mai faafitauli o loo alia'e mai i le siosiomaga o le gataifale o Salesatele. Sa faapea foi ona sailia ai ma ni aafiaga ma ni mafuaaga o nei faafitauli. O ni fofo, faatinoga ma i latou e faatinoina nei fofo sa faailoa mai. O lenei faatalatalanoaga sa faia i le aso 10 Tesema 2007.

6.3 Komiti Faufautua o le Faasao:

O le Komiti Faufautua sa filifilia ai sui e ta'i tolu mai i vaega o matai, tina ma aumaga. O le matafaioi a le Komiti Faufautua o le tuu-faatasia lea o faamaumauga ma faamatalaga sa aoaoina

mai i taimi o faatalatalanoaga (consultations) e pei ona tāua i luga. O nei faamatalaga sa mafai ai ona latou tapenaina se ata faataitai o le Tusi Taiala.

6.4 Pasiaina o le Tusi Taiala.

O lenei Tusi Taiala sa tuuina aloaia i le fono a Matai e sui o le Komiti Faufautua ma sui o le Ofisa o Faigafaiva mo le pasiaina ma amata faatino ai loa galuega ma matafaioi a vaega taitasi.

O le fono foi lea e filifilia ai loa ma le 'Komiti o le Faasao' e taitaia le faagaioiga o fuafuaga ua uma ona fa'ata'atitia. O le faagasologa atoa o nei fuafuaga fa'atitia a le afioaga e aofia ai foi ma fuafuaga fa'ata'atitia e lagolagosua mai ai le Ofisa o Faigafaiva.

6.5 Filifilia o le Komiti o le Faasao

O le Komiti o le Faasao sa filifilia mai i vaega taitasi i taimi o faatalatalanoaga, latou te mataituina fuafuaga faataatitia a le afioaga. I le pasiaina ai o le Tusi Taiala, e fesootai lava pea le Ofisa ma le Komiti i tulaga uma lava e manaomia ai le fesoasoani e pei ona autasi ma tamauina i le Taiala.

7. FUAFUAGA FAATAATITIA

O fuafuaga fa'ata'atitia o ni gaioiga ua faamoemoe e faaono foia ai faafitauli ua faaalia ma faailoa mai e vaega eseese o le afioaga. E lua ituaiga o fuafuaga, ma o le fuafuaga ua aupito sili ona tāua o fuafuaga faataatitia a le Afioaga.

I leisi itu o fuafuaga faataatitia a le Ofisa o Faigafaiva ma o nei fuafuaga o le tuuina atu o fautuaga ma fesoasoani i nisi auala e pei o aoaoga ma le tufatufaina o pepa o faamatalaga i mataupu e fesootai i le gataifale.

O galuega uma lava e faatinoina e le Ofisa o Faigafaiva e ao ona faamaonia e le Faatonu Lagolago (Assitant Chief Executive Officer) a le Matagaluega o Faatoaga ma Faigafaiva.

I taimi o faatalatalanoaga i vaega taitasi, e tele ni mafuaaga sa faailoa mai ae auga lava i le faafitauli ogaoga o le faaititia lea o i'a ma figota i le aloalo ma aau o le afioaga o Salesatele. O mafuaaga ma o latou aafiaga i le siosiomaga o le gataifale sa faapea ona iloiloaina ma sailia. O tali o faafitauli ma fofo poo auala e foia ai na iloiloaina foi i faatalatalanoaga. E le gata i lea sa faailoa mai ai foi ma vaega latou te faatinoina nei galuega.

O le pusa i lalo o loo faailoa atu ai tulafono a le Malo o Samoa (National Laws) e faasino i le pulea tatau ma le fa'aaoga gafataulimaina o punaoa faalenatura ma alāmanuia o le gataifale ma le siosiomaga.

Tulafono Autu Tau Faigafaiva (1988) : Fisheries Act (1988)

- (1) Faasaina o Faigafaiva-le-Talafeagai,
- (2) Faamalosia ai le Laiseneina o Vaa-Fagota.

Tulafono Faatonutonu Mo Le Laiti Faatapulaaina mo I'a ma Figota (1995) : Size Limit Regulations (1995)

O le tulafono lea e faatapulaaina ai le laiti o i'a ma figota e faatagaina ona fagotaina faapea mataupega e faatagaina.

Tulafono Faatonutonu mo le Faaogaina o Faguea ma isi Mea Manava (2003) : Scuba Diving Regulations (2003)

O faguea ma isi mea manava e faasaina ona faaogaina mo fagotaga seia vagana ai mo suesuega faa saienisi pe mo le faaogaina e matamata ai i le siosiomaga ma le matagofie o le sami.

Tulafono Laiti o Faigafaiva: Fisheries Bylaws

O tulafono a le nuu ma afioaga ua amanaia e le Faamasinoga.

O le vaega i lalo o le a auiliiliina atu ai atoatoa fuafuaga fa'ata'atitia sa aoina mai i vaega taitasi ma tuufaatasia e le komiti faufautua ma le lagolagosua a le Ofisa o Faigafaiva.

7.1 IA FAASAINA FAIGAFAlVA LE TALAFEAGAI E IAl FANAIA, AVA NIU KINI, MA VAILAAU OONA.

OTOOTOGA

Na faaalia e vaega taitasi i taimi o faatalatalanoaga o loo faaauauina pea le faaogaina e faifaiva o ava niu kini ma vailaa u oona i fagotaga, ui lava ina le' o toe vaia ni fanai'a. O nei faigafaiva le talafeagai ua mautinoa lo latou tulaga ogaoga i le faatamaiaina o le siosiomaga o le gataifale, e pei o i'a laiti aemaise o nofoaga taua mo meaola o le sami e iai amu. O le faaleagaina o le gataifale mai nei ituaiga auala faa-faigafaiva e umi ma tele se taimi e toe faafoi ai i le lelei sa i ai muamua.

FUAFUAGA FAATAATITIA A LE AFIOAGA

Talu ai ona o le tulaga pagatia ua iai le gataifale o leni nuu o Salesatele o lea na a'e ai se finagalo autasi i le Fono ma le komiti faufautua ina ia matua faamalosia tulafono a le afioaga e faasaina ai faigafaiva-le-talafeagai e pei o fanai'a, ava-niu-kini ma vailaa u oona. O le puipuiga ma le faamamaluina o nei tulafono o le a i aao lava o le pule mamalu a ali'i ma faipule faatasi ai ma le lagolagosua a tagata-nuu o le afioaga.

FAUTUAGA

Ia toe fa'amalosia ma fa'amamaluina tulafono ua taua i lalo a le afio'aga mo le fa'asaina o faigafaiva le talafeagai.

TULAFONO

Ua matua faasaina lava soo se tagata ona faatinoina ni faigafaiva le talafeagai e iai fanai'a, ava niu kini ma vailaa u oona (clorox) poo se isi lava faiva matautia i gataifale o leni nuu o Salesatele.

FAASALAGA

(a) O tagatanuu o le afioaga o ia lea ua solia ma le taasisia leni tulafono, ua noatia i se sala tupe e **\$500.00** ua faaeina atu e le Fono a Alii ma Faipule.

(e) O tagata mai isi afioaga o ia lea ua solia leni tulafono o le a molia i le **Tulafono Autu o Faigafaiva 1988**.

FUAFUAGA FAATAATITIA A LE OFISA

O le a fesoasoani le ofisa i le tufatufaina o pepa o faamatalaga i faigafaiva-le-talafeagai aemaise ai o le faatinoina lea o suesuega ma moliaga o tagata ua faamaonia lona faatinoina o nei faigafaiva i le faamasinoga a le Malo o Samoa.

7.2 IA FAASAINA FAIGAFAlVA O LE TU'IGA POO LE FAAMO'A

OTOOTOGA

O tu'iga ma faamo'a ua matauina ma le toto'a e le afioaga le matua faaleagaina ai o le gataifale. O ituaiga faigafaiva nei e faigofie ona maua ai i'a ma figota peitai e ogaoga ma matautia ona aafiaga. O lea ua tasi ai le finagalo o alii ma faipule ina ia faasaina loa ona toe faatinoina i le gataifale o Salesatele.

FUAFUAGA FAATAATITIA A LE AFIOAGA

Ua i ai le fuafuaga a le afioaga o le a faamalosiā ma faamamalu loa lenei fuafuaga ua faataatia mo le faasaina o tu'iga ma faamo'a ma lagolagoina tulafono Laiti o Faigafaiva.

TULAFONO

Ua matuā faasaina lava soo se tagata ona faatinoina faigafaiva o le tu'iga poo faamo'a i gataifale o lenei nuu.

FAASALAGA

(a) O tagatanuu o le afioaga o ia lea ua solia lenei tulafono, ua noatia i se faasalaga tupe e **\$100.00** ua faaeeina atu e le Fono a Alii ma Faipule.

(e) O tagata mai isi afioaga o ia lea ua solia lenei tulafono o le a molia i le **Tulafono Laiti o Faigafaiva**

FUAFUAGA FAATAATITIA A LE OFISA

O le a fesoasoani le Ofisa mo le avea o lenei tulafono ma Tulafono Laiti (Bylaw) ma o le a faia foi ni aoaga i le taua o le faasaina o tu'iga ma faamo'a.

7.3 IA FAASAINA FAIGAFIVA MAI ISI AFIOAGA

OTOOTOGA

Ua maitauina le toatele o tagata mai isi afioaga ua latou fagotaina gataifale o le afioaga o Salesatele. Ua le gata i lea, ua latou faatamaia foi le gataifale i ni auala le talafeagai ma ua utiuti ai le tamaoaga e maua mai le aloalo o lo o faalagolago iai le afioaga.

FUAFUAGA FAATAATITIA A LE AFIOAGA

Ua i ai se fuafuaga a le afioaga o le a faia se tulafono e faasaina ai tagata mai isi afioaga ona fagotaina o latou gataifale.

TULAFONO

Ua matua faasaina lava faigafaiva mai isi afioaga ona toe fagotaina gataifale o lenei nuu e aunoa ma se maliliega autasi mai le Fono a Alii ma Faipule.

FAASALAGA

O tagata mai isi afioaga o ia lea ua solia lenei tulafono o le a molia i le **Tulafono Laititi o Faigafaiva**.

FUAFUAGA FAATAATITITA A LE OFISA

O le a lagolagosua le Ofisa o Faigafaiva i le suesueuina ma le faatinoina o moliaga o lē ua soli-tulafono i le faamasinoga a le Malo.

7.4 FAAAOGAINA O FAGUEA (SCUBA GEARS) MA MEA MANAVA I FAGOTAGA.

OTOOTOGA

Sa faaalā e vaega taitasi o le afioaga o loo maitauina pea le faaaogaina o mea manava ma fagu-ea aemaise lava i faifaiva mai isi afioaga. O nei ituaiga faiva ua masalomia ai ma le faaaogaina faatasi ma faigafaiva le talafeagai e pei o fanaia ma vilaaui oona. E umi se taimi e māulu ai le tautai ma

mafa'i ai ona tele se aofaiga o i'a ma figota na te maua. E oo atu i se tulaga faaletonu tamaoai i le gataifale pe a faaauaina pea ona faaogaina nei ituaiga o mea fagota.

FUAFUAGA FAATAATITIA A LE AFIOAGA

Ua fautuaina e Alii ma Faipule atoa ai ma aumaga le taofia ma faasaina loa le toe faaogaina o fagu ea ma mea manava i faigafaiva (lama). Ua autasi foi le afioaga o le a fausia se tulafono e faasaina ai le toe faaogaina o nei ituaiga faigafaiva i fagotaga i po i gataifale o le afioaga.

TULAFONO

Ua matua faasaina lava ni fagotaga e faaogaina ai faguea ma mea manava (SCUBA GEARS) i gataifale o leni nuu.

FAASALAGA

(a) O tagatanuu o le afioaga o ia lea na te faaulufaleina mai ia ituaiga faigafaiva o le a noatia i se faasalaga tupe e **\$100.00** ua faaeeina atu e le Fono mamalu a Alii ma Faipule.

(e) O tagata mai isi afioaga o ia lea ua solia leni tulafono o le a molia i le **Tulafono Faatonutonu mo le Faaogaina o Faguea ma isi Mea Manava (2003)** a le Malo o Samoa.

FAUTUAGA

E fautuaina malosi le mamalu o le au tautai o le afioaga ina ia taofia ma vaavaai e o loo faaogaina faguea ma mea manava aemaise tagata mai isi afioaga.

FUAFUAGA FAATAATITIA A LE OFISA

O le a fesoasoani mai le Ofisa i le tufatufaina o pepa o faamatalaga aua le famalamalamaina o aafiaga ma le ogaoga o leni ituaiga o faigafaiva i le gataifale. E le gata i lea a o le'a fesoasoani fo'i i suesuega ma le moliaina o tagata ua faamaonia i leni tulafono.

7.5 IA FAASAINA LE FAAAOGAINA O UPEGA MA TILI MATANINII

OTOOTOGA

O le faaogaina o upega ma tili mataninii ua maitauina le tele o i'a laiti ua faatamaia ai. Ua i ai le talitonuga o le a oo atu i se tulaga faaletonu i'a maua pe'a faaauaina pea nei ituaiga faigafaiva. O le a oo ina faaitiitia i'a ma figota e mafai ona oo atu lo latou lapopoa e maua ai le avanoa e fanafanau ma tautuufua ai.

FUAFUAGA FAATAATITIA A LE AFIOAGA

Ua faailoa mai e le komiti o le faaogaina o upega ma tili mataninii, o se tasi lea o mafuaaga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega ma tili mataninii ona toe faaogaina i fagotaga i le gataifale o le afioaga. Ua faapea foi ona faaalua mai e le afioaga lo latou matua lagolagoina o le Tulafono Faatonutonu o Faigafaiva a le Malo ua i ai nei mo le faatapulaina o mataupega ma tili.

TULAFONO

(a) Ua matua faasaina lava ona toe faaogaina upega e i lalo ifo o le **2.0~ inisi (50 mm)** lona mataupega faapea foi ma tili ia le i lalo ifo o le **1.2~ inisi (30 mm)** i gataifale o Salesatele.

FAASALAGA

(a) O tagatanuu o le afioaga o ia lea ua solia leni tulafono, o le a noatia i se faasalaga tupe e **\$100.00** ua faaeeina atu e le Fono a Alii ma Faipule.

(e) O tagata mai isi afioaga o ia lea ua solia leni tulafono, o le a molia i le **Tulafono Faatonutonu o Faigafaiva (1995)** a le Malo o Samoa.

FUAFUAGA FAATAATITIA A LE OFISA

O le'a lagolagosua mai le Ofisa o Faigafaiva e ala i lana polokalame fesoasoani, o le tuuina atu lea o faamatalaga e saga faamautuina ma faamaopoopoina ai lenei tulafono.

7.6 FAASAINA LE FAAAOGAINA O PA I'A

OTOOTOGA

Ua autasi nei le pulega mamalu a Alii ma Faipule ina ia matua faasaina le faia poo le faatuina o se pa i'a i le gataifale o lenei nuu. Aua o se tasi lenei o metotia e tele ai i'a laiti e mafai ona faatamaia ai.

FUAFUAGA FAATAATITIA A LE AFIOAGA

Talu ai ona o le tulaga pagatia ua iai le gataifale o lenei nuu o Salesatele o lea na ae ai se finagalo autasi i le pule mamalu a Alii ma Faipule ina ia matua faasaina ai se pa i'a ona faatuina i gataifale o lenei nuu

FAUTUAGA

la fa'amalosia ma fa'amamaluina le tapu a lenei nuu ua faasaina ai le faia pe faatuina o se pa i'a i lona gataifale.

TULAFONO

Ua matua faasaina lava gataifale o lenei nuu ona faatuina ai pa i'a poo se isi lava ituaiga meafaitino e pueina ai i'a.

FAASALAGA

(a) O tagatanuu o le afioaga o ia lea ua solia lenei tulafono, o le a noatia i se faasalaga tupe e **\$100.00** ua faaeeina atu e le Fono a Alii ma Faipule.

(e) O tagata mai isi afioaga o ia lea ua solia lenei tulafono o le a molia sao loa i le **Tulafono Faatonutonu o Faigafaiva 1995**

FUAFUAGA FAATAATITIA A LE OFISA

O le'a fesoasoani le ofisa i le faamalosia o le tulafono ma fesoasoani i le faia o moliaga o se tasi ua ia soliiina lenei tulafono.

7.7 IA FAASAINA ONA TOE FAGOTAINA MAI I'A MA FIGOTA LAITI

OTOOTOGA

O le tele o afioaga ua latou faaalua mai le toatele o faifaiva latou te fagotaina mai i'a ma figota laiti. O le mafuaaga lea ua vave faaitiitia ai i'a ma figota, ona ua le maua se avanoa e tautuufua ma fanafanau ai nei meaola.

FUAFUAGA FAATAATITIA A LE AFIOAGA

Ua i ai le fuafuaga a le afioaga o le a lagolagoina le tulafono o faigafaiva mo le lapopoa faatapulaaina e fagotaina ai i'a ma figota.

TULAFONO

Ua matua faasaina lava soo se tagata ona fagotaina mai i'a ma figota laiti o loo faaalua manino i le Tulafono Faatonutonu o Faigafaiva 1995.

FAASALAGA

(a) O tagatanuu o le afioaga o ia lea ua solia lenei tulafono ua noatia i se faasalaga tupe e **\$100.00** ua faaeeina atu e le Fono a Alii ma Faipule.

(e) O tagata mai isi afioaga o ia lea ua solia lenei tulafono o le a molia i le **Tulafono Faatonutonu o Faigafaiva 1995.**

FUAFUAGA FAATAATITIA A LE OFISA

O le a fesoasoani le Ofisa mo le tufatufaina o pepa o faamatalaga i i'a ma figota o loo aafia i lalo o lenei tulafono aemaise ai o siata (charts) poo pepa faailoa (posters) o lenei tulafono taua.

7.8 OGASAMI FAASAOINA O I'A MA FIGOTA

OTOOTOGA

Sa faaalua e le afioaga, o le vave faatupulaia o le tamaoaiga ua tataua ona avea se vaega o le gataifale ma vaega faasao, e vave ai ona toe faatupulaia le faitauaofai o i'a ma figota i le gataifale. O lenei vaega faasao o le a faasaoina ai amu, aau faapea foi i'a ma figota ina ia mafai ona maua e nei meaola le avanoa e tautuufua ma fanafanau ai.

O le autu taua lava, o le a avea lenei faasao ma :

- apitaga ma nofoaga e tautuufua ma fanafanau ai i'a ma figota
- avanoa e toe faaleleia ai le siosiomaga o le gataifale (amu/aau)
- sulufaiga o isi meaola ma punaoa eseese o le sami
- mataaga mo le afioaga ma e asiasi mai i le afioaga.

O le a fanafanau ma tautuufua i'a ma figota o loo nonofo i le vaega faasaoina ma tafea atu o latou fua fanau ma faatupuina ai, nisi meaola fou i nofoaga ua faaititia ai i'a ma figota. O le a le pine ona manuia ai i tatou ae faapea foi tupulaga o le lumanai.

FUAFUAGA FAATAATITIA A LE AFIOAGA

O le a filifilia e le afioaga se vaega o le gataifale e faatinoina ai le vaega faasaoina. O le a latou fausiaina foi se tulafono e faasaina ai ni faigafaiva ona faatinoina i lea vaega. O le afioaga foi latou te mata'ituina ma faamalosia tulafono.

TULAFONO

O lenei tulafono ua vaevaeina i Vaega e Lua

- 1) Ua matua faasaina lava soo se tagata ona taele, aau, kolosi pe sopolia totonu o le 'Ogasami Faasao o I'a ma Figota' ua faaalua manino e le Fono a Alii ma Faipule ma ua faavaeina i luga o se vaega o le aloalo ma le aau ua faailogaina i laau poo pole.
- 2) Ua matua faasaina lava soo se tagata ona faatinoina soo se ituaiga faigafaiva, pe toesea foi ni meafaitino i totonu o le 'Ogasami Faasao o I'a ma Figota' ua faaalua manino e le Fono a Alii ma Faipule ma ua faavaeina i luga o se vaega o le aau ma le aloalo ua faailogaina i laau poo pole.

FAASALAGA

- a) O tagatanuu o le afioaga o ia lea ua solia le Vaega (1) o lenei tulafono ua noatia i se faasalaga tupe e **\$100.00** ua faaveina atu e le Fono a Alii ma Faipule.
- e) O tagatanuu o le afioaga o i alea ua solia le le Vaega (2) o lenei tulafono ua noatia i se faasalaga tupe e **\$500.00** ua faaveina e le Fono a Alii ma Faipule.
- i) O tagata mai isi afioaga o ia lea ua solia le Vaega 1 & 2 o lenei tulafono o le a molia i le **Tulafono Laiti o Faigafaiva.**

7.9 ISI AIAIGA FAAOPOPO

FUAFUAGA FAATAATITIA A LE AFIOAGA

Ua faaalua manino e le Fono a Alii ma Faipule le faasaina o ni taelega i le gataifale o le afioaga i Aso Sā. Ua faapea foi ona matua teena ma lē taliaina Turisi ma e asiasi mai i lenei nuu e fia faaaogaina le gataifale mo faase 'ega i galu (Surf) i Aso Sā.

FAASALAGA

(a) O soo se tagata lava o ia lea ua soila lenei aiaiga ua noatia i se sala tupe e **\$100.00** ua faaeeina e le Fono a Alii ma Faipule o Salesatele

3 TALOSAGA A LE AFIOAGA

O nei talosaga sa mafai ona tuuina mai e sui o le afioaga sa auai i fonotaga ma le Ofisa i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le Komiti o le Gataifale i le latou fonotaga ma le Ofisa. Pe a talafeagai o nei talosaga o le a mafai ona iloiloaina e le Ofisa o Faigafaiva ma faamaonia mai e le Alii Ofisa Sili Lagolago mo le faataunuuina pe a maea pasia ma taliaina e le Fono a Alii ma Faipule lenei Tusi Taiala. O talosaga uma sa tuuina mai o loo faailoa atu i lalo.

- (a) Faatuina o le Faasao o I'a ma Figota
- (e) Faaolaina o Faisua
- (i) Atinae Tilapia
- (o) Isi figota talafeagai
- (u) Aoaoga i le pulea gafataulimaina o faigafaiva i aloalo ma aau.

9 MALILIEGA

Ua i ai le maliliega o le a galulue soosoo tauau uma vaega i le puipuiga o le siosiomaga o le gataifale mo le manuia o tagatanuu o le afioaga aemaise o tupulaga o le lumanai. O lea manuia e mafai ona maua pe a faatinoina uma fuafuaga faataatitia ua tamauina i le fuafuaga tatau mo le pulea ma le vaaia lelei o i'a ma figota o le afioaga.

10 TOE ILOILOINA O LENEI TAIALA OTOOTOGA

O le toe iloiloaina o lenei fuafuaga tatau, e sailia ai le agai i luma ma lona toe suesueina ina ia faailoa le taua ma le aoga o lenei polokalame i totonu o alalafaga, aemaise o ni auiliiliga maumaututu i le tulai mai o galuega fai a le afioaga ma le ofisa i le faataunuuina o fuafuaga faataatitia e pei ona taua i luga. O lenei foi iloiloga e lipotia ai le taulaumanuia ma ni fa'aletonu o le polokalame talu ona faavaeina i le afioaga.

FUAFUAGA FAATAATITIA A LE AFIOAGA MA LE OFISA

Ua iai le maliliega a le Komiti faufautua a le afioaga ma le Ofisa o Faigafaiva o le a toe auiliiliina lenei fuafuaga tatau pe a maea le ono (6) masina talu ona asia lenei tusi i le fono mulimuli. O le a toe feutagai ai le komiti ma le ofisa i se aso o le a atofaina pe a atoa le ono (6) masina.

11 UPU MULIMULI

O le auai o le afioaga o Salesatele Falealili i le polokalame mo le pulea ma le vaaia lelei o i'a ma figota ua mautinoa le manuia o le afioaga i ni tausaga o i luma. O le manuia ma le alualu i luma o lenei polokalame e faalagolago tele i le galulue faatasi o le afioaga; i le pule mamalu a alii ma faipule, komiti a tina, aumaga aemaise o le Malo e tau ala atu i le Ofisa o Faigafaiva i le faatinoina o fuafuaga faata'atitia ua maea soalaupule i le tele o fonotaga ma faatalatalanoaga sa faia.

O lenei polokalame o se galuega e umi se taimi e faatali ai ni tali faaaliali ma sona lelei, o lea e taua ai mo le silafia e tagatanuu o le afioaga. O i latou o le a talisapaia ma aeae i nei manuia o tupulaga o le lumanai o le afioaga. O lea ua a'e ai se tofa i le afioaga e faia se polokalame faapenei

a le malo e fesoasoani ai e toe tapu'e mai le sosia o le tamaoiga o le gataifale o le afioaga ua tauau ina mou atu.

12 SUI O LE AFIOAGA SA AUAI I TAIMI O FAATALATALANOAGA

Vaega o Matai :

Tapusatele Keli	Leleimalefaga Penaia	Lalau Tasi	Tafesilafa'i Iosefa
Fonoti Agavaa	Leleimalefaga Manase	Lalau Taloto	Mailei Iakina
Leota Sapati	Leleimalefaga Pasi	Lalau Peniamina	Tuanu'u Aleka
Alaifea Laititi Belford	Tauaefā Uaine	Lalau Funa'i	Tuigate'i Faimasasa
Leleimalefaga Mau	Tauaefā Aoto'a	Lalau Afioaga	Matemate Pine
Tauaefā Fili	Tauaefā Timoteo	Lalau Gisa	Vave Vavae
Tagitagiapua Faafetai	Tauaefā Falealili	Mali'o Ioane	Tauanu'u Toafā
Lalau Talaifiti	Tauaefā Tauaneai	Mali'o Moke	Savea Ioane
Leleimalefaga Neemia	Lalau Migo	Mali'o Saueā	

Vaega o Taulelea :

Faasi'i Sialega	Ioane Toaono	Sakaria Savea	Tanu Alai
Nuulua Matemate	Apelu Aleka	Moke Mali'o	Fialua Fonoti
Faatupunuu Paito	Ray Tuigate'i	Eleasaro Lelei	Solomona Muavae
Toe Pu'a	Peneli Aleka	Lagolago Taua	Asovale Mali'o
Ativalu Taua	Faleupolu Lalau	Vavaoa Lelei	Fau Huko
Peato Manu	Vaalele To'a	Falaga Alifa	
Pouafe Lalau	Toatasi	Huko Malio	

Vaega o Tina :

Tepatasi Fonoti	Mamapo Leleimalefaga M
Fusi Tauaefā U	Tui Fuimaono Sialega
Fiaavae Tauaefā F	Mea'atoa Lalau T
Faia Muavae	Talaesea Paito
Nora Leleimalefaga P	Mafa Pine
Maofa Tauaefā T	